

Rau: Tag nrho UW-Madison cov neeg ua haujlwm

Tuaj ntawm: *Chancellor* Rebecca Blank

Txog: Qhia ntxiv txog Nyiaj Npaj Yuav Siv thiab cov hnuv so tsis them nyiaj

Hnuv: Kaum Hli tim 26, 2020

Rau peb cov neeg ua haujlwm,

Xyoo no yog ib xyoo muaj keeb kwv txawv tshaj rau peb lub tsev kawm ntawv. Kuv zoo siab tshaj txog qhov peb txhua tus hauv tsev kawm ntawv koom ua ke txawm tias muaj ntau yam kev nyuaj siab.

Rau lub caij ntuj sov thiab ntuj tsaug peb tau xav tias lub Kaum Hli yog lub hli peb yuav ntsuam tau tias nyiaj txiag npaj siv yuav muaj zoo li cas, rau xyoo 2021 tom ntej. Kuv xav rov qhia cov kauj ruam peb tau ua txog tam sim no thiab qhia vim li cas peb thiaj yuav muaj dua cov hnuv so tsis them nyiaj ntxiv thiab txo nyiaj siv li cas.

Rau daws qhov muaj tus kab mob COVID rau thaum lub Peb Hlis, peb tau ua ntau yam txog cov nyiaj siv thiab daws qhov yuav tshuam nyiaj txiag siv:

- Tsis nce nyiaj rau sawv daws thiab tsis txais neeg tuaj tshiab
- Rho cov nyiaj yuav npaj ua los kho vaj tse rov qab rau xyoo ntawd
- Tshem cov nyiaj neeg ua haujlwm siv mus rau lwm qhov thiab lwm yam li ua tau
- Muaj cov hnuv so tsis them nyiaj raws saib lawv tau nyiaj ntau npaum li cas, nrog rau txo 15 feem pua nyiaj xyoo them rau cov thawj coj, uas xaus lub asthiv no (Kaum Hli tim 31)
- Muaj qhov ob leeg koom ua ib txog haujlwm thaum tej ceg ua num yuav tau kaw kiag cov haujlwm
- Siv cov nyiaj tseg tau cia los them ib cov nqi peb tsis tau nyiaj qhov twg los

Cov tau ua no txo peb cov nqi los lawm ntau heev, qhov ntau tshaj yog \$27 lab los ntawm cov hnuv so tsis them nyiaj thiab txo cov nyiaj xyoo. Kuv pom tias cov peb ua no tseem ceeb heev, kuv paub tias peb cov neeg ua haujlwm thiab chaw pab neeg los cov menyig tau txhawm ntau yam rau qhov no.

Nyiaj Khwv Yees Npaj Siv rau Tom Ntej

Peb tseem tsis tau dhau qhov kev nyuaj. Tus kab mob kis loj no yuav tshuam UW mus rau xyoo 2021 thiab yav tom ntej ntxiv. Peb cov nqi them nqi kawm ntawv poob los lawm li \$24 lab thiab nyiaj tau los ntawm kev tshawb fawb kawm yuav tau li \$28 lab tsawg tshaj peb xav. Peb kev npaj nyiaj siv muaj kev nyuaj cuam tshuam los ntawm qhov cov nyiaj tau los tsawg, tab sis nyiaj siv qhaib rau tus kab mob COVID ntau zuj zus.

UW-Madison yuav muaj nqi los poob nyiaj txog li \$50 lab rau nyiaj npaj siv rau xyoo tas no thiab thiab xyoo tam sim no, ntau yam ua ke ntawm cov nyiaj *GPR (General Purpose Revenue)* tus

Governor kom cov chaw ua haujlwm txo thiab cov nyiaj them neeg ua haujlwm uas tsis tau nyiaj qhov twg los. Peb kuj tseem muaj qhov tias xeev ho yuav npaj nyiaj siv li cas rau ob xyoos tom ntej rau yim lub hlis tom ntej no thiab. Peb ua tsaug ntau rau *interim UW System President* Tommy Thompson kev txhawb kom xeev yuav tsum muab nyiaj rau cov tsev kawm ntawv rau lub caij no.

Ntxiv, cov ceg ua haujlwm uas lawv tau lawv nyiaj los them cov neeg ua haujlwm kuj tau nyiaj tsawg rau lub caij no. Piv txwv, hauv ceg cov kis las (*Athletics*), peb tsis muaj cov kis las los muag tsis tau pib. Qhov saib kev sib them (*Conference Services*) kuj muaj tsis tau cov qhua los khiav tsis tau kev sib tham. Lub *Wisconsin Union* kuj tsis tau nyiaj tib yam vim tsis pub muaj neeg coob tuaj rau ntawv *Terrace* lub caij ntuj sov tas no. tag nrho ua kev, cov ceg ua haujlwm no poob li \$150 lab. Vim cov ceg ua haujlwm tau tsim tias lawv siv lawv cov nyiaj tau los them lawv cov neeg ua haujlwm thiab lwm qhov hauv tsev kawm ntawv kuj tsis muaj nyiaj siv, cov ceg ua num no yuav tau daws lawv teeb meem kev npaj nyiaj siv, tabsis tsev kawm ntawv yuav pab thaum pab tau.

Tag nrho ua ke, peb khwv yees yuav raug li \$320 lab qhov tau nyiaj los tsawg thiab muaj nqi tau ntxiv txij thaum lub Peb Hlis 2020 mus txog xyoo kawg (uas xaus rau lub Rau Hli tim 30, 2021) uas txawv qhov peb tau npaj rau thaum lub Ib Hlis tas los no. Ib cov nyiaj tsis muaj siv twb tshem tau raws cov peb txo kev siv nyiaj lawm. Tab sis qhov tsis muaj nyiaj thiab nqi yuav tau them, tseem ntau tshaj txhia zaus peb tau muaj yav tas. Nws yog ib qho yuav tau ua tib zoo xyuas tam li yus yog tus tswv kho kom nyiaj txiag txaus them nqi.

Peb tus qauv yog yuav kom muaj cov tseem ceeb li qub mus rau yav tom ntej, thaum ua tau, tabsis yuav txo nyiaj siv kom nyiaj tau los txaus them nqi. Peb yuav ncuq qhov tsev kawm ntawv txais neeg tuaj tshiab li qub ntxiv – peb tsuas pub txais neeg rau tej txoj haujlwm tus *vice chancellor* los *school/college dean* tso cai nkaus xwb—thiab yuav tsum muaj tus qauv txo tau nyiaj raws li kom ua rau xyoo ntawd. Tabsis yuav tau txo nyiaj siv ntxiv.

Cov Hnub So Tsis Them Nyiaj thiab Nyiaj Nce

Qhov nyuab tshaj txo kev siv nyiaj yog qhov siv hnub so tsis them nyiaj raws saib tau nyiaj ntau npaum cas ib xyoos. Peb yuav rov siv dua qhov so cov hnub tsis them nyiaj rau 6 hli tom ntej, pib Ib Hlis xiab 1 mus txog Rau Hli tim 30, 2021. Peb tau ncuq qhov so tsis them nyiaj rau tom ntej no kommuaj caij cov neeg ua haujlwm npaj, thiab cov neeg ua num yuav nyiaj them puv li qub rau lub Kaum Ib thiab Kaum Ob Hlis ua ntej pib dua. Nco tias cov neeg ua txoj haujlwm kom so ib ntus yuav rov pib ua xuabmoos tsawg pib lub Kaum Ib Hlis xiab 1.

Tus qauv so cov hnub tsis them nyiaj yuav zoo tib yam li rau xyoo 2020 thiab yuav xyuas kom txo me rau cov neeg ua num tau nyiaj tsawg thiab ntau rau cov tau nyiaj siab, uas yog pib 3 hnub (1/2 hnub rau txhua hli) mus txog 6 hnub (1 hlis ib hnub). Nov thwm tau tias nws yuav txo cov neeg ua haujlwm tus nqi nyiaj them [rau lub hli no li 2.5 feem pua mus txog 4.6 feem pua, nyob ntawm saib tus neeg yuav tau so tsawg hnub](#). Yuav txo cov *vice chancellors* thiab kuv 15 feem puas qhov nyiaj hli rau 6 lub hli, thiab yuav txo cov *school/college deans* 10 feem pua ntawm lawv cov nyiaj hli.

Kuv pom tias qhov so tsis them nyiaj no ua nyuaj npaum cas rau cov neeg ua haujlwm, tiag yog rau cov tau nyiaj tsawg. Qhov nws yuav los thaiv me ntsis qhov so tsis them nyiaj no yog tus qauv npaj ntev los uas yuav nce 2 feem pua rau cov neeg ua haujlwm, ua yog tsev kawm ntawv nce, pib lub Ib Hlis. Qhov nyiaj nce no yuav pab ntau rau cov neeg ua num tau nyiaj tsawg rau qhov so tsis them nyiaj. Peb npaj yuav ua raws tus qauv nce nyiaj no txawm tias peb yuav tsis muaj nyiaj txaus siv thiab kom nco tias qhov nce no yog rau tus nqi nyiaj xuabmoos uas yuav muaj tas li mus tom qab tsis muaj cov hnuv so tsis them nyiaj lawm.

Tib yam li saum no thiab, kuv kuj zoo siab heev qhia tias peb yuav siv qhov nce tus nqi nyiaj xuabmoos kom txaus noj txaus haus mus rau \$15 rau cov neeg them nyiaj xuabmoos, raws li peb tau cog lus ib xyoos tas los no. Tus nqi nyiaj nce, pib lub Ib Hlis tim 17, 2021, yuav raug rau cov neeg ua cov haujlwm tu vajtse, tu tsiaj thiab ua zaub mov noj. Tus nqi nce yog qhov tsawg tshaj no yuav tsis nce rau cov neeg ua haujlwm ib ntus me ntsis los cov mejyig ua haujlwm.

Muab cov no ua ke, tus qauv nce nyiaj tshiab thiab nce tus nqi nyiaj tsawg tshaj ua rau peb yuav tau siv cov hnuv so tsis them nyiaj zaum ob kom ntau tshaj qhov thawj zaug. [Kev qhia ntxiv txog cov hnuv so tsis them nyiaj](#) muaj nyob hauv lub *Office of Human Resources website* thiab yuav xa *email* qhia ntxiv.

Kev Ua Raws Npaj Nyiaj Siv rau FY22(Budget Process)

Cov hnuv so tsis them nyiaj nkaus xwb yuav kho tsis tau kom nyiaj tau los txaus them nqi, li ntawd peb tseem yuav qhia ntxiv txog kev txo nyiaj siv rau asthiv puav tom ntej no rau cov nyiaj *GPR*-rau cov ceg ua haujlwm tau cov nyiaj no thaum peb pib npaj xyuas nyiaj siv rau xyoo FY22. Tej zaum tseem yuav tau txo nyiaj siv ntxiv, tab sis peb xav tias yuav tsis muaj qhov txiav loj li coob leeg ntshai tsam muaj rau xyoo no. Qhov no tsis tau hais tias cov txiav no yuav tsis muaj kev nyuaj dabtsi, tabsis peb vam tias cov kev ua raws no, tsis pub txais neeg tshiab ntxiv, thiab txo lwm yam kev siv nyiaj uas peb tau muaj txo pab tau me ntsis.

Txhua ceg qhia ntawv/ceg ua haujlwm yuav tau xyuas cov qauv npaj txo cov nyiaj siv uas tsis muaj no rau tam sim no thiab ntev rau tom ntej thiab muaj ua tau raws li qhov zoo tshaj rau lawv ceg qhia ntawv/ua haujlwm. Vim qhov teeb meem no raug tej ceg ua haujlwm txawv thiab cov nyiaj tau los, tej zaum yuav muaj ceg puav uas yuav tau tso neeg tawm haujlwm thiaj kho tau qhov kom cov nyiaj tau los txaus them nqi.

Peb tau tham nrog thiab yuav nrog cov pawg koom tswj ua haujlwm (*shared governance groups*) tham ntxiv txog kev npaj nyiaj siv thiab yuav ua raws li peb cov qauv txo kom raug cov neeg ua haujlwm tsawg npaum li peb ua tau.

Kuv pom tias qhov xov xwm no yog ib qho nyuab, tabsis txog thaum peb rov tuaj ua tau haujlwm li qub, peb yuav tau ua raws li tus kab mob no tsim muaj rau peb lub tsev kawm ntawv. Thaum cov teeb meem no dhau tas lawm, UW-Madison yuav muaj zog tshaj qhov qub txhawb peb lub zeem muag rau peb ib tsoom. Rau tam sim no, kuv ua ntej txhua tus tsaug rau txhua yam nej ua rau lub tsev kawm ntawv.